



Il mas-chalch da Sent

www.sent-online.ch

sent@engadin.com

favrer/marz 2019

MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem sent@engadin.com.
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, grotta da cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publicar arrandschamaints han seguaintas pussibilitats:

- a) Mas-chalch da Sent : tenor infuormaziuns survart
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => Events => Veranstaltung erfassen
Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

CHARTERA PUBLICA

Culla **chartera publica** dèssan gnir promovüdas la comunicaziun e la discussiun in cumün ed invers il cumün politic. La chartera as rechatta i'l büro da Sent Turissem. La gruppa da lavur svöda la chartera ed elavurescha las intimaziuns chi pon gnir deponadas in fuorma dad ün simpel scrit.

PER NOSSAS SENIORAS/PER NOSS SENIORS

Das Lächeln der Vergangenheit

Rav. Martin Pernet prelegia istorgias our da seis cudesch

Mardi, als 5 marz 2019, a las 14:00 in Chasa Misoch

Davo caffè e tuorta

Annunzchas a Chatrina Ritzmann, tel. 081 864 93 59

Giantar cumünaivel

Mardi, als 19 marz 2019 a las 12:00 i'l restorant Aldier

Annunzchas a Fina Zanetti, tel. 081 864 95 26

Adüna il **lündeschdi, a las 14.00 in Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il **marcurdi a las 14.00 ed il mardi a las 20.15 in Chasa Misoch**: Società da duonnas, Infuormaziun: Dorathea Stupan, tel. 081 864 04 75

MARCHÀ DA TSCHÜTSCHAIVER

Darcheu lessna manar tras ün marchà da tschütschaiver.

Il termin füss als 06 marz 2019 da las 11.00 infin las 17.00.

Chi chi vess plaschair da reservar ün lö da marchà (Marktstand), cun prodots indigens. Societas o eir privats, bainvis sun eir exposituts d'utrò,. Per plaschair s'annunzchar fin als 25.02.19 pro Sent Turissem, tel. 081 861 88 29.

Mincha lö ha üna contribuziun da CHF 10.00. No ans allegrain sün üna gronda cumparsa.

SOCIETÀ D'ÜTIL PUBLIC – concerts illa baselgia da Sent

Ingüna reservaziun da plazzas - la chascha es averta ün'ura avant il concert

dumengia, 3 marz 2019, 17 h, CHF 25.-

CARTE BLANCHE

Duos maisters da lur instrumaint: Domenic Janett, clarinetta e Rudolf Lutz, orgel e clavazin ans mainan sunond differentas frusas our dal ballet Nussknacker da Tschaikowsky tras ün program musical chi pür dürant il concert as palesescha in tuot sias facetts. As laschai fascinar da duos artists chi sun dachasa illa musica classica, illa musica populara ed illa improvisaziun.

dumengia, 10 marz 2019, 17 h, CHF 25.-

MUSICA SPIRITUALA E FOLCLORISTICA da la RUSSIA

cul coro VOSKRESENIJE da St. Petersburg

Tuot ün'otra cultura da chant - vuschs scoladas chi tendschan dal plü fin pianissimo fin al plü glüschaint fortissimo.

dumengia, 17 marz 2019, 17 h, CHF 20.-

ORGEL SURPRAISA cun Alois Koch (Luzern)

Daspö tschientiners nu vain l'orgel dovrà be sco instrumaint da baselgia. Blers cumponists han adüna darcheu gnü ideas originalas. Il program cuntegna our da quel motiv titels sco "Sains da trais tschientiners", "Variaziuns davart chanzuns popularas", "Exercizis per pedal" e per finir amo ün'istorgia biblica, «Il Combattimento trà David e Goliath» - Bun divertimaint!

venderdi, 22 marz 2019, 20:15 h. CHF 25.-giuvenils CHF 15.-

SACRED AND PROFANE

Suot la direcziun da Peter Appenzeller chanta CantAurora ün program cun ouvras inglaisas per cor a cappella. La musica per coros da l'Ingalterra ha tradiziun ed es fich pretensiusa, multifaria e plain vita, saja quai illa musica spirituala o profana.

dumengia, 24 marz 2019, 17 h, CHF 25.-

CONCERT "runduma" da Quintinò insembel culla chantadura Karin Streule da l'Appenzell

Karin Streule (voc), Guido Decurtins (acc), Michel Estermann (guit), Andriu Maissen (dr), Augustin Maissen (b), Fredy Manser (cl)

Lur program ans imprometta ün viadi intuorn il muond cun bels ed interessants arrandschamaints e cun blera piazza per creatività ed improvisaziun.

dumengia, 31 marz 2019, 17 h, collecta,

Tun/Culur cul DUO CHANZIN

Il program da Natalia Cagienard (chant) e Riet Fanzun (clavazin) cuntegna chanzuns da different stils cul tema culurs. Bellas melodias chantadas in plüssas linguas vegnan inclettas da minchün ed inchantan mincha cour.

GROTTA DA CULTURA – prosmas occurrenz infuormaziuns detagliadas i'l Allegra e suot <http://www.grottadacultura.ch>

Exposiziuns

19 schner – 5 marz 2019 fotografias da Stephan Husen
09 marz – 25 mai 2019, pitura e squitschs da Heidy Heiber

Cafè/bar in mardi e sonda, 17-19h.

Occurrenz

Sonda 9 marz 2019, Schigliana, 17 fin 19h
Vernissascha da **Heidy Heiber**, entrada libra, aperitiv

Venderdi, 15 marz 2019, Piertan, 20.15h, entrada 20.-/25.- *

Teater: «Das grüne Seidentuch» da Marcella Maier, cun Sarah M. Huisman

Gövgia, ils 21 marz 2019, Piertan 20.15h 20.-/25.-*

Concert cun « Pierino e i Lupi » : Simone Mauri, Santo Sgrò e Peter Zemp

*La chascha es averta a partir da las 19.30h a Schigliana, Grotta da cultura
Reservaziuns : unicamaing il di avant da las 17h fin 19h, Tel. 079 439 89 22.

SOCIETÀ DA MUSICA SENT

Chars amis da la musica, per cumplettar nos cudesch d'or tscherchaina fotografias in connex cun nossa società chi sun gnüdas fattas davò il 2010. Chi chi vess avantman fotografias tillas po jent dar a Mengia Marugg (menzia.marugg66@bluewin.ch / 079 679 34 65) per copchar.

Fingjà ouravant ün cordial grazia fich

La società da musica Sent

SOCIETÀ D'ÜTIL PUBLIC – BANNIDA

Radunanza generala, lündeschdi, als 25 marz 2019, a las 20.15 h in chasa Misoch, Sent

Tractandas:

1. Commembers novs
2. Protocol
3. Rapports da la differentas secziuns
4. Rendaquints, gestiun generala e secziuns, cun rapport da revisiun
5. Programs da lavur
6. Contribuziuns annualas
7. Varia

Inscunter cul capo cumünal 2019

Mardi, 25 favrer 2019 a las 20.00 h illa saletta da la chasa da scoula a Sent

Eir quist on invida il capo a la populaziun da las fracziuns ad ün inscunter. Dürant quella sairadavain orientà davart temas actuals dal cumün. Eir il manader da las gestiuns tecnicas e'l collavuratur per la promoziun d'economia sun preschaints. Il capo sta eir gugent a disposiziun per tour incunter e respuonder a dumondas chi'd occupan a las abitantas e'ls abitants.



Urari dal cortegi ufficial

Crusch ca.	07.00 h (be scolars da 5-9avla)
Sur En (cumün) ca.	07.35 h (be scolars da 5-9avla)
Sur En (camping) ca.	07.50 h (be scolars da 5-9avla)
Sent (Avant Baselgia)	08.50 h (tuot ils scolars)
Schigliana ca.	09.30 h (tuot ils scolars + scoulina)
Chascharia ca.	11.30 h (tuot ils scolars)

Traget

Avant Baselgia - Bügliet - Sala - Stron - Surataglia - Vidos - Schigliana - Archas sura - Archas - **Schigliana** (cun marena) - Bügl süt - Curtin sura - Curtin - Plazzetta - Saglina - Foura da Büz - Chasellas - Plaz - **Chascharia**

Bal da pitschens

14.00 - 18.00 e 20.00 - 24.00

Bal da Chalandamarz per creschüts (24.00 - 02.00)
la scoula

Revitalisaziun ogna Panas-ch



ramalina



pivier pitschen



forella


Perche vain revitalisada l'ogna Panas-ch?

Culla revitalisaziun da l'ogna Panas-ch vain ragiunt cha l'ischla chi'd es hoz per gronda part sùtta survain nouva vita. Da quai profitan bleras bes-chas e plantas – eir da quellas raras - chi s'han adattadas a quist spazi da viver dinamic e special. La refacziun dal biotop da l'ogna multifari e rich da spezchas dess pussibiltar als visitaduors d'observar ed inscuntrar a la natüra cun respet.

Culla revitalisaziun planisada vegnan promovüts ils spazis da viver dal lichen ramalina sco eir dad ulteriuras spezchas, sco dal rivarel cumün, dal pivier pitschen, dal tschendratsch e da la forella. I's fuorma darcheu ün biotop dad ogna dinamic per bes-chas, plantas ed umans.

Pella fabrica da la nouva ouvra idraulica cumünaivla En (GKI) tanter Martina e Prutz (A) ha tala da prestar masüras da cumpensaziun ecologicas. GKI, rapreschantants dals cumüns da Valsot e da Scuol e'ls uffizis involvats han decis cumünaivel-

maing cha la revitalisaziun da l'ogna Panas-ch dess gnir realisada sco masüra da cumpensaziun ecologica. Dasper la GKI as participeschan eir il fond naturemade star da la ewz, l'uffizi federal da l'ambient e l'uffizi per la natüra e l'ambient dal Chantun Grischun cun imports considerabels vi da la finanziaziun. Ils cumüns da Scuol e da Valsot sun ils patrüns da fabrica e la fundaziun Pro Terra Engiadina es responsabla pella direcziun generala dal proget.



Planisaziun da las lavuors da fabrica

Dürada da fabrica: primavaira 2019 - utuon 2019

La revitalisaziun düra raduond ün mez on. Subit cha las relaziuns da naiv permettan cumainzan las lavuors da runcar da primavaira 2019. La part dal god chi as rechatta massa ot sur il let dal flüm vain runcada e splanada cun maschinas da fabrica e' l let dal flüm actual vain dozà cun rimplainas da gera. Quatras crescharà impè dal god runcà süt ün'ogna tipica cun frus-chaglia e god d'ogn grischant chi vain inuondada periodicamaing.

on mais / stagiun eivna dal chalender	2019																						
	schner					favrer				marz					avrigl				mai			stà	utuon
	1	2	3	4	5	6	7	8	9	10	11	12	13	14	15	16	17	18	19	20	21		
publicaziun / surdatta																							
runcada																							
fabrica																							

Als 4 mai 2019 a las 10.30 uras festagian ils partenaris nomnats suotvart insembel culla populaziun la prüma palada dal proget da revitalisaziun. Minchün es cordialmaing invidà al act festiv ed a la grillada!

